

ionfer teeldeest. **B**lijff ghesont heyl al  
 re menschen myt dynen lieuen kinde  
 en verwerff ons waerachtige vrou-  
 de des herten in gode onsen salich  
 maker. **B**lijff ghesont o blyscapp  
 des hemels. blijff ghesont du die seer  
 schone biste ende bidde dynen lie-  
 uen soene altijt voer my inmen.

**Vander besnidinghe ons heren.**

**B**armhertige **J**esu die  
 vander ionfer gheboze  
 en naeder ee besneden  
 woldest worden. **I**ch  
 bidde dy suete **J**esu dattu barmh-  
 telick wilste besniden mijn ghedach-  
 ten woerden en wercken alsoe dat  
 ich niet dencken moet spreke noch  
 doen dat teghen dinen godliken  
 willen sy meer dat mijn ghedach-  
 te altijt moet wesen in gode ende  
 mijn sprake inden gheboden des  
 alre ouersten. en dat all myn wert-